

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghvau Swvu Veijvenzei

Cawibanh: Gvangsiah Minzcuz Bause

Geiz neix 8 bani

广西民族报 Aenhauh okbanj: CN45-0036 B.2024 Nd.7 Ng.31 Liggaeuq gyapsaenz nienz ndwenloeg ngeihroek Geizsoq: Gungh daih 3633 geiz

Gvangjsih Cuzbanj Canjdonz Youq Daengx Guek Suhbozvei Oknaj

Mboengqneix, Gaiq 32 Daengx Guek Duzsuh Gyauhyiz Bozlanjvei youq Sanhdungh Cijnanz haimuq, Gvangsiah 8 aen sawdoz cuzbanjse dawz 4400 lai cungj sawdoz ndei caeuq 20 lai ciengz hozdung ndei bae aen hoihhoengh neix oknaj, cungfaen langhbaij gij yienghndei daegbied gagmiz caeuq gij yinxdaeuz vwnzva.

Baez suhbozvei neix aen cawj-daez Gvangsiah langhbaij dwg “homsaw Betgveiq yawj doeg Guengjsae”, Gvangsiah Cuzbanj Conzmeiz Cizdonz,

Gvangsiah Swhfah Dayoz Cuzbanjse Cizdonz, Gvangsiah Minzcuz Cuzbanjse doiok buok saw ndei gaen-ndaet seizdaih cawjdaez, fatyienz seizdaih cingsaenz, ciengqgok yaemwenq seizdaih ndeu, baengh gizdieg vwnzva miz daegsaek dajyiengj aen binjbaiz “homsaw Betgveiq”. Gvangsiah Cuzbanj Conzmeiz Cizdonz sawdoz youggaenj 《Singmoq》《Funghvuengz Mbin》caeuq 《Dadau》daengj, ndaej daengz cuzbanj gyaiq haeujrwz; Gvangsiah Swhfah Dayoz Cuzbanjse Cizdonz 《Meijdangz Fak Saeng

Daeuj: Ranz Dou》《Mozfazsieng Dangzgoq Buqmoengz Lizzij Cungguek Hawj Lwngyez》daengj sawdoz, yienh-ok yozsuz caeuq yinzvwnz daegsaek; Gvangsiah Minzcuz Cuzbanjse sawdoz 《Baenzroix Cozbinj Canghraiz Lai Minzcuz Cungguek》《Bi Va' gyap》《Yw Gvangsiah Miz Daegsaek——Ywcuengh Ywyauz Bwnjcauj Senjbien》daengj, cungfaen langhbaij gij vwnzva goekdaej naekna caeuq vwnzva minzcuz lai yiengh Gvangsiah. Youq suhbozvei yienhciegz, dieg langhbaij Gvangsiah yinx ndaej haujlai

bouxdoeg dingzdin ngonzyawj.

Ciuq cam rox, mboengq suhbozvei, Gvangsiah canjdonz roengzsim guh le baenzroix hozdung, doenggvaq baenzroix hozdung caeuq bouxdoeg doxdoeng doxgyau, cungj langhbaij gij vwnzva neihanz yienghsienq binjbaiz “homsaw Betgveiq” okdaeuj, au langhbaij guh moiz, au saw gyau youx, yinx ndaej daengx guek gak dieg bouxdoeg doenggvaq yawjdoeg ndaej raen Gvangsiah, byaij haeuj Gvangsiah, doeg rox Gvangsiah.

(Sunh Bungzyen)

Lungzlinz: Fanh Vunz Angqgvaq “Ciet Bogfeiz”

Bonjbauq siusik(gicej Vangz Yinz) 7 nyied 27 hauh, 2024 nienz Lungzlinz Gak Cuz Swciyen aen hozdung vwnzva lijyouz ciet bogfeiz haimuq, gwnz haimuqsik, gyoengq beixnuengx dangdieg Bouxcuengh, Bouxgun, Myauzcuz, Yizcuz, Gwzlaujcuz daengj ndang daenj buhvaq minzcuz moqsag, diuq foux yet-yet, caeuq gyoengq bouxyouz gak dieg daeuj haenx doxcomz giz ndeu, roxnyinh gij minzcuz fungcingz naekna neix. Ndaw doz dwg gyoengqvunz cingq humx bogfeiz diuq foux.



Nanzningz Cinghsiu Gih Baengh “Vwnzva+” Coicaenh Minzcuz Doxcunz Doxgyau Doxyungz

Nanzningz Si Cinghsiu Gih dawzmaenh diuz sienqmeh guhhong couqmaenh gij eiqsik caezcaemh Cunghvaz Minzcuz, vatcimh leihyungh vwnzva swhyenz, doenggvaq “vwnzva+ lijyouz” “vwnzva+ canjbini” “vwnzva+ hanghmoeg” daengj fuengsik coicaenh gak minzcuz doxcunz doxgyau doxyungz.

“Vwnzva + lijyouz”, haeujlaeg minzcuz doxyungz. Laebdin swhyenz lai, diegvih diuzgen, hwnghat giekdaj daengj, dajcauh binjbaiz “aen cueng Dunghmungz • yinxdaeuz Cinghsiu”, banh aen hoih hung faenj lajmbwn, ciet gijgwn ndei Cungguek——

Dunghmungz daengj hozdung; gaem-dawz seizndei ngoenzgyaj “Gvangsiah Sam Nyied Sam”, ciepbanh Gaiq Daihaet Nanzningz Gozci Cienzdoengj Foux Lungz Iucingj Doldax baenzroix hozdung, aen doih camgya doxdax caeuq aen doih yienjheiq bae Nanzningz Gozci Veicanj Cunghsinh, Nanzhuz Gunghyenz caeuq Cinghsiu Vandaz daengj dieg gaicawx hoengh cunzyienj, gyonjgyoeb ciepdaih bouxyouz 93.37 fanh vunzbaez, ginggih gyonjsuenq gaicawx ndaej ngaenz 2275 fanh maenz.

“Vwnzva + canjbini”, langhbaij feihyiz yinxdaeuz. Doenggvaq haeuj-

laeg vatcimh gij swhyenz vwnzva ciuhgeq cwnzgzi, coihawj gak gaep bouxcienzswnj feihyiz caeuqfaenh hong yenzfaz doigvangq feihyiz faenzcaux, fungfouq cungjloih huq faenzcaux miz daegsaek cwnzgzi, mboujduenh hawj gak cuz vunzlai vwnzva lijyouz aeyungh lai yiengh, miz daegdiemj de ndaej habhoz. Gunghanq laebbaenz aen diengz guh buhvaq Bouxcuengh, baengh man, dajsiuq daengj dinfwngz guh buhvaq Bouxcuengh, doiok binjbaiz “Man-cuengh Gim”; au aen vunqsik “cwngfuj+giyez+dieggoek+nungzhu+hawciengz”, yungh gij fuengsik doq

son doq canh cienz, cujiz mehmbwk ranzungzhoj caeuqfaenh son dinfwngz.

“Vwnzva + hanghmoeg”, saed-yienh caezhwnq caeyungh. Comzyawj gak cuz vunzlai aeyungh, gaenxmaenx doidoengh gunghung vwnzva fuzvu ngengcoh gihcwnz, lai bae hwnqguh cunh(segih) gaep gunghung fuzvu cunghsinh, dieg lienndang caeuq daizheiq, lanzgiuzcangz miz daeng rongh daengj, seizneix daengx cwnzgzi cunh gaep gunghung fuzvu cunghsinh cunhcunh miz caez.

(Cinghsiu Gihvej Dungjanbu)